

КОМСОМОЛОНЬ ВАЙГЯЛЬ

Сембе мастерень пролетариятне, пуромода марс!

ЛИСЕНДИ VIII-це КИЗОСЬ

ВЛКСМ-нь Мордовский
обкомть и Саранский
юркомть газетасна.

Адресь: г. Саранск, Советская ул.,
Дом печати, телефон № 1-80.

Я Н В А Р Т Ъ
29-ЦЕ ШИСТОНЗА
1940 КИЗОНЯ
12 № (1664)

ЛИСЕНДИ КОВТИ 12-ксть.

ССР-нь Союзонь Совнаркомса и ВКП(б)-нь ЦК-са

КОЛХОСНЕНЬ ЭСА ЗЕРНОВОЙ КУЛЬТУРАНЬ СОРТОВОЙ ВИДЕФНЕНЬ ПЛАНИРОВАНИЯСНОН КОЛГА

ССР-нь Союзонь Совнаркомс и ВКП(б)-нь ЦК-сь лувозь, што мекольденъ кафта кизотнень улихть оцю сатфкст сортовой видефнень келептемань и видьмотнень сортовой качестваснон цебарьгофтомань тевсост.

Однака, зерновой культурань сортовой видефнень планированияса уликс порядкас сотнесыне колхозникнень инициативаснон цебарь высокоурожайнай сортонь, кода селекционнайнь, тяфта и местнайнь свободнай кочкамаса, а тяфта жа противоречит колхознень эса зерновой культурань видефнень планированияса ладяф порядкати.

Сянь инкса, штоба касфтомс колхозниконь кели массатнень инициативаснон и заинтересованностьснон высокоурожайнай сортонь правильной подборть и сортс коре зерновой культурань видефнень планированияснон инкса колхознень ответственностьснон касфтомаснон вельде урожайность сяда тов касфтома тевса, ССР-нь Союзонь Народнай Комиссаронь Советсь и ВКП(б)-нь Центральной Комитетсь постановили:

1. Полафтомс зерновой культурань сортовой видефнень планированияса уликс порядкат, кода ванондсы сянь, штоба колхозненьди видема площадтнень пачфнемс обязательна сортс коре.

2. Максомс колхозненьди права кочкамс сорттэстейс эсь мялснон коряс даннай зонати примаф сортрайонированиясь пределса (сорттне основнайхть и допустимайхть, кода селекционнайхне, тяфта жа и лучшей местнайхне).

3. Обязать колхозонь правлениятнень синь мархтост разработаннай сортс коре зерновой культурань видефонди платтнень путнемс обсуждадамс и кемокстамс колхозникнень марстонь собранияса.

4. Ладямс, што сортс коре зерновой видефонь платтне, конат примаф колхозникнень марстонь собранияса, должетт улемс тяда меле кемокстаф районнай исполкомтнень эса. Тя пингста раисполкомтне могут тиендемс измененият колхознень планцонды аныпек ся случайста, кда колхозть ширде максф планти суваффт сортт, конат не относятся тя зонати.

Лувомс обязательнакс колхознень сортс коре зерновой видефонь планцон райисполкомса кемокстамаснон пингста райсемхозонь и сортоиспытательнай участкань агроноппень участияснон, конат обслуживають тя районца колхознень.

5. Семенной участканди колхознень высококачественнай сортовой видьмоса снабженияснон и сяда товга йотафнемс райсемхознень вельде колхознень максф требованияснон и сортообновлениянь планть коряс.

6. Обязать ССР-нь Союзонь Наркомземть сортовой управления, республикань наркомземтнень и край (обл) земотделхнень, Госсортфондть сетенц вельде, макссемс колхозненьди сортовой видьмот семенной участкнень сортообновленияснон инкса колхознень ширде максф требованиятнень коряс.

7. Колхознень эса од перспективнай сорта видема йотафнемс колхознень соглашенияснон коряс, обеспечендамок сорттнень производственнай оценкаснон пингста колхозникнень кели участияснон и касфтомок селекционной станциятнень и сортоиспытательнай участкнень ответственностьснон производства сувафневи сорттнень правильной хозяйственнай оценкаснон инкса.

8. Обязать районнай исполкомтнень сортс коре зерновой культурань видема платтнень, конатнень примазь колхозне, кемокстамаснон аделамс СССР-ть южной районзон эзга 1940 кизонь февральть аф 15-це шидонза поздна, илядыкс райоттнень эзга 1940 кизонь февральть аф 25-це шидонза поздна, а тяда мельденъ кизоста соответственна—январь 15-це и январь 25-це шистонза.

9. Обязать СССР-нь Госпланть видеса ЦУНХУ-ть, штоба 1940 кизонь СССР-ть южной районзон эзга февральть 25-це шинцты и СССР-ть лядыкс районзон эзга мартть 5-це шинцты (а сяда товодонь кизотнень—соответственна январь 25-це шинцты и февральть 5-це шинцты) обеспечендамс зерновой культурань видема планть лувоманц и тя планть сортонь коряс фактическиста пашкодеманд.

10. Марьгомс СССР-нь Наркомземти арьсемс госселекстанциятнень видемань планцон эса элитань коряс страховой фонд 30 процентонь и райсемхознень эса 1 и 2 репродукцият коряс 25 процентонь размерса районированай сортонь видьмотнень эзда.

11. Кда колхозса улихть кшинь панемань качествас коре пях разнай сорта тозерхт, тосьоронь ускома планць пашкотькшнемс стама сорта, конатнень сяда цебарьхть кшинь панемань качестванса.

12. Партийнай, Советский и земельнай оргаттненьди эряви макссемс колхозненьди сембе ширденъ лезкс сортовой видефнень планированияснон организовадамаса и ладямс арь колхозти срокт, мзярда синь должетт тиемс и кемокстамс колхозниконь обшай собранияса сортонь коряс зерновой культурань видема платтнень.



Государственный Третьяковский галлерейса „Сталин и Советская странахъ ломатне изобразительнай искусстваса“ панжевсь художественнай выставкас СНИМКАСА: И. В. Сталин гражданский войнаны периодста.
Фотось Г. Широковть (ТАСС-ть фото-клишен).

СССР-нь Верховнай Советть Президиумонц указоц

**81 Горно-Стрелковой полкть „Красное Знамя“ ордена
каземанц колга**

Финский белогвардейщина каршес тюреманы фронтса командованиять боевой заданиянзон образцовайста пашкодемаснон инкса и тяка пингть няфтьф доблестть и мужествовать инкса каземс 81 Горно-Стрелковой полкть „Красное Знамя“ ордена.

СССР-нь Верховнай Советть Президиумонц председателец
М. КАЛИНИН.

СССР-нь Верховнай Советть Президиумонц секретарец
А. ГОРКИН.

Моску, Кремль. 1940 кизонь январь 26-це шистонза.

СССР-нь Верховнай Советть Президиумонц указоц

Якстерь Армиянь начальствующай составти Советский Союзонь Геройнь званиянь максомать колга

Финский белогвардейщина каршес тюреманы фронтса командованиять боевой заданиянзон образцовайста пашкодемаснон инкса и тяка пингть няфтьф отвагать и геройствовать инкса максомс Советский Союзонь Геройнь звания и максомс Ленинонь орденоц и „Золотая Звезда“ медальхть:

1. Политрукти Кесарь Федорович Андреевти.
2. Младшай командирти Александр Макарович Васильевти.
3. Младшай Политрукти Михаил Григорьевич Манакинти.
4. Лейтенантти Петр Тихонович Михалицынти.

СССР-нь Верховнай Советть Президиумонц председателец
М. КАЛИНИН.

СССР-нь Верховнай советть Президиумонц секретарец
А. ГОРКИН.

Моску, Кремль.
1940 кизонь январь 26-це шистонза.

ШКОЛЬНАЯ ЭРЯФСЬ

ШКОЛАСЬ РАБОТАЙ
ОБРАЗЦОВАЙСТА

Ковылкинский глухонемой школы тонафни 45 лама идь. Синь тяза састь республикаты различный районзон эзда.

Глухонемой школы эсь существования пингста воспитал аф кржа идь, конат получасть слесарень, партноень, столяронь, токарень и лия специальность.

Школа воспитательная работась ладяф образцовайста. Аф кржа ученик, кода Черновсь, Большаковсь и лия тонафнема кизоть васенце полугодианц пингста тонафнемаса няфтсть отличной результат.

Ученикнень йоткса тяфта жа образцовайста ладяф художественно-самодельной работаске. Тяза цебарьста работайхть физкультурной и танцевальной кружокне, конатнень работаса примосихть участия питай сембе ученикне. Тя работать возглавляет комсомолкась - воспитательница Котова ялгась.

В. Челматкин.



Ардатовский НСШ-нь школьникне савсть шефства „Путь Ильича“ Ардатовский колхозь молодняконц лангса.

СНИМКАС: 7-це классонь ученик Леткин Яшась кирдсь парноть.

Фото-снимкась П. Волковъ.

Весяласта йотнихть ученикнень досугсна

Пяк весяласта йотнихть Саранск ошень ученикнень досугсна. Сядот ученик эрь шиня пуромкшнихть идень паркти курькснема, коса эрь шиня йотафневихть конькаса курькснема и конькобежной соревнованият. Пяк сидеста эрсихть хоккеяса налхкомат, лыжной вылазкат. Конькаса курькснема тне ученикненьди арсихть инь кельгови занятияк.

Пионеронь кудсь январь ковста йотафтсь пяк цебарь маскарад. Тя маскарадса присутствовали 60 лама ученик. Ученикне ульсть наряжафт различный костюмса. Синь йотксост 10 пионерхт, кода инь лучшейхть, казфит питни казынеса.

Пионерхне эрь шиня пуромкш-

Кепотькс илядыхненьди

Сире Сомай велень аф полный средней школы преподавательский коллективсь пяк оцю вийса тюри населения йоткса аф грамотность и малограмотность машфтоманц инкса. Тяза эрь преподавательсь тя тевса примосинь активной и деловой участия.

Велеса аф грамотнайда сембоц лувондови 35 ломань, конат сембе фатяфт тонафнемаса.

Но Сире Толку и Сире Дерган велетнень эса тя важнейшая тевсь йофси юкстаф, а взрослая ломанень школань заведующийхне (П. Еровсь и Г. Столяровсь) фкакс бездействуют.

П. Атишев.

Рыбкинань район.

нихть пионеронь кудти, коса йотафневихть шашечной и шахматной турнирхт, якайхть коллективна кинос, синь йотксост ламоксть ульсть путнефт кукольной театрань произведений.

Январь 10-це шистонза „Буревестник“ обществать команданц и пионеронь кудть йоткса ульсть йотафтфт хоккеяса налхкомат коряс соревнованият. Январь 12-це шистонза Саранский пионеронь кудсь и Рузаевка ошень пионерхне налхксть шашкаса и шахматса.

Но эряви азомс, што пионеронь кудса нинге аф сатомшка ладяф пионерхнень йоткса работась. Пионерский комнатась сидеста эряй вльня пьакстафста.

Растегаев.

КОДА МИНЬ ЙОТАФНЕСАСЬК ЭСЬ
ДОСУГНЬКОНЬ

Пяк весяласта и организованнайста йотафнесаськ эсь свободнай пингоньконь минь, Сире Иса При велень средней школы ученикне. Школасонк ули рабочей план, конань коряс минь аккуратнайста сашенкшнетяма школав, яксекшнетяма учениконь келеса лыжаса курькснема, организовандакшнетяма коллективной играт и ст. тов.

Минь сембе учениконь келеса соревновантата эсь йоткованк цебарь успеваемость и посещаемость инкса, штоба тонафнема кизоть аделамс аныцек отличной и цебарь оценка мархта.

Москалев.

Инсарский район.

Комсомольская организациясь пионерхнень эзда аердсь

Сире Сомай велень аф полный средней школы старшей пионервожатый работай Купинова ялгась, конац пионерхнень йоткса кодамовок воспитательная работа аф вяти.

Тяфта жа сави азомс, што школьной комсомольской организации касыкс поколений йоткса коммунистический воспитания цебарьгофтоманц инкса аф няфни кодамовок инициатива.

Сонь эздонза пионервожатыйхне лезкс аф получахшихть.

Пионерхне надийхть, што комсомольская организациясь пионерхнень и школьниковнень йоткса коммунистический воспитания инь маластонь пингста ладясы ВЛКСМ-нь ЦК-ть X пленумонц решениязон коряс.

В. Чепанов.

Рыбкинский район.

Ладямс школы
стенной печать
работанц

Стенной печать школы цебарь успеваемость, посещаемость и дисциплинать сатоманц инкса аши вию оружиек, ибо сонь вельденза можнат машфтомс школы сембе аф сатыксне.

Но пяк кальдявста аши тевсь стенной печать работанц мархта 3-Польский районь Од Выселка велень средней школы. Тяза 1939—40 тонафнема кизоть ушedomста савомок тячийн шить самс нолдаф аныцек 2 номерхт газета, и тьяконь лангс лоткасть.

Стенной газетать аккуратнайста нолнеманцы комсомольской организации кодамовок лезкс аф максис. Нльне редакционной коллегияти апак кочкак фьявок комсомолец.

Н. Беляев.

3. Полянский район.



ССР-нь Союзонь Верховнай Советъ Президиумонц Указонц коряс якстерьармеецги Иван Михайлович Соломонниковти боевой заданиятень образцовайста п-школь-шнемасон, финский белоохраняй каршес тюремаса фронта командования и тя пингов отагань и геройствань няфнемат инкса присвоеный Советский Союзонь геройн звание Ленинонь орденонц и „Золотая звезда“ медаль вруччания мархта.

СНИМКАС: Советский Союзонь геройсь И. М. Соломонниковсь.

Фото-клишесъ ТАСС-ть.

Большевикне 1917 кизонь февральская революцияса

Нинге 1905 кизоня Ленин вырабатал демократический революцияса и буржуазно-демократический революция эзда социалистический революция йотама пингста марксистский тактикань основат. Ленин особай вийса подчеркивал, што буржуазно-демократический революция победасонза васендакиге заинтересованной пролетариатсь, конац может и должен улемс вождекс, руководителкс буржуазной революция. Тя задачат пролетариатсь победоносна йотафтсь эряф аныцек снярда, мзярда шовордасы, эсьтейнза крестьянствань массат.

Кода самодержавиянь свержения и демократический республикань завоеваниянь средства, Ленин выдвигал вооруженный восстания, конань вельде должен улемс свержнутой царский правительствас и полафтф временной революционной правительстваса, конац аши пролетарионь и крестьянствань революционно-демократический диктатурак.

Революция демократический этапонц Ленин йофси ашезе лувонда тейнза завершенияк. „Демократический революция минь тьяникиге жа карматама йотнема как-раз эсь вийньконь коряс, сознательной и организованной пролетариатт вийнзон коряс, карматама йотама социалистический революцият“. (Ленин, VIII т., 186 стр.).

1917 кизонь февральский революциясь ульсь васенце революцияк, конанц шачфтозе 1914—1918 кизотнень пингста империалистический войнась. Большевикский партиясь ульсь единственной последовательной революционной партияк, сон кеподезень массатнень империалистический войнать гражданский шарфтоманц инкса, империалистический правительствать каршес тюремат.

Разрухась, безработицась, вачашись, царский армиять стака поражения, — сембе тя твендсь и вижкопнесь народнь массатнень ширде ненависть царизмат. Не-

довольствась кармась фатнемонза буржуазиятьке, конац убедилссянь колга, што царский правительствати войнась успешна аф вятеви. Буржуазиясь решил тиемс дворцовой переворот и тьян вельде кирдемс малаткшни революция. Но народсь калафтозень буржуазиять ня замысланзон, валхтомок властвата самодержавиять революциять вельде.

1917 кизоть ушетксонза Петроградса и Москуса йотасть стачкат и демонстрацият. Февраль 18-це шистонза забастовали Путиловский и лия заводонь рабочейхне. Февраль 24-це шистонза Петроградса бастовандась ни 200 тьяжонь рабочей. Стачатне и демонстрациятне кармась арсема восстаниянь попыткак. Рабочайхне нельксесазь полицейскийхнень и жандарматнень оружиесон и вооружандакшихть синь. Февраль 26-це шистонза Павловский полконь 4-це ротась ушедсь ляцендема ластя жандарматнень лангс, конат вьргятнесь рабочайхнень лангс. Тьяка жа шиня большевиконь ЦК-ть бюроц нолдась манифест, коса тердсь мольтемс во-

оруженной тюремат самодержавиять каршес и тиемс Временной революционной правительста.

Рабочайхнень ширес войска-нень йотамасна решил царский монархиять судьбанц.

1917 кизонь февраль 27-це шистонза (март 18-це шистонза) минь странасонк ульсь властвата паньф самодержавиясь. Царский монархиясь срадсь буквалья аф лама шинь пингста. Тя победать аноклазе 1905—07 кизонь васенце русский революциясь, конац служась массатнень политической воспитаниянь огромной школак, 1905—07 кизонь революциясь штафтозе царизмат сембе чудовишной наксада шинц и гнусностенц. Буржуазно-демократический революциясь сяськсь сяс, мест тейнза застрельщикокс ульсь рабочей классь, конанц мархта вятсь руководство большевикне, конанц возглавлял солдатский шинельса шаф крестьянствать движения, — мить инкса, кшить инкса, свободать инкса. Революциять успехоульсь обеспеченной пролетариатт гегемониянц мархта.



Восточный культурный государственный музей (Москуса) панжесъ «Китайты искусств» художественной выставкы. СНИМКАСА: «Партизанский отряд» картина репродукция (Цзян Тао-ть кагод лангса акварельной работастонза. 1937 к.).

ЦЕБЯРЬ УШЕТКОСТ

Рузаевский районца январь 15-це шистонза савомок 20-це шинцы самс допризывникень йоткса йотафтф политико-просветительнай оцю работа. Силь йоткост РККА-нь запаснай политрукне «Кемготува киза Ленинфтома—Ленинонь киге», «Всеобщай воинский обязанности» законть и «Родинаньконь международнай положения» тематень корястийсть 27 лама лекция и беседа.

Районца эрь допризывниксь РККА-в очередной призывать эса учи пях оцю воодушевления. Рябов.

Работаса эряви тиемс решительнай перелом

Од Выселка велень средний школань первичнай комсомольский организациясь учебнай кизоть васенце полугодиянц пингста комсомолецнень и ученикнень коммунистический воспитанияснон эзда йофси аерткшнесъ.

Школьный комсомольский организациясь ащи 43 ломаньца, конатнень эзда 7 комсомолецне тонафнема кизоть васенце полугодиянц пингста тонафнестъ пях калдывста, но комсомольский организациясь и сонъ секретарец Учамбрин ялгась тя позорнай фактть йотнезь вакска.

Эряви видеста азомс, што школаса пионерский организациясь

работай комсомольский организациясь лаца жа пях калдывста. Отряднай вожатайхне Общевасъ, Шиндинась и Лыновасъ отряднай сборхт йотафнихть пях шураста.

Комсомольский организациясь школаса эсь воспитательнай деятельностинц должен ладямс ВЛКСМ-нь ЦК-ть X пленумонц решениянзон коряс, и учебнай кизоть омбоце полугодиянц пингста сембе вийнзон должен мобилизовандамс учебнай планть 100 процентс пашкодеманд инкса тюремат.

Н. Беляев.

Зубово-Полянский район.

Тоса, коса аш работа

Пях калдыв воспитательнай работась Рыбинский райононь Поникедовка велень колхознай комсомольский организациясь, коса секретарькс работай Чудайкин ялгась. Комсомолецне аф пашкотъ кшнесазь ВЛКСМ-нь ЦК-ть VIII пленумонц решениянзон, аф занимадондакшихть эсь идейно-политический уровеньон касфтомаснон лангса, пях калдыв дисциплинасна.

Тяда башка комсомольский организациясь видеса нинге кунара ульсть организовафт МОПР-нь,

СВБ-нь и Осоавиахимский организацият, коза руководителъкс кочкафтольхть комсомолецт. Но танийн пингть самс нят организациятнень эзга комсомолецне кодамовок работа аф вятихть.

Нинге тядонга пях калдывста ладяф аф союзнай од ломатнень йоткса воспитательнай работась. 1939 кизоть йотамс организациясь примась комсомолу аныцек фкя од член.

Вельим.

Рыбинский район.

Лездомс комсомольский организациять работанц цебярьгафтоманцы


Од Выселка велень колхознай комсомольский организациясь, мекольден пингть лафчептозе комсомолецнень йоткса воспитательнай работать, кафта кофт ни апак йотафтт фкявок комсомольский собрания. Тянь сюнеда лисенди, што организациясь аф касы, а меклангт, кири. Васенда организациясь ульсь ВЛКСМ-нь 30 член, а танийн пингть илядсь 14.

Тяфта жа калдывста комсомолецне паннесазь членский взносон? Комсомолецъ Слепповсь ашезь панда 4 кофт членский взност. Комсомолецне аф примосихть участия колхозъ эряфса хозяйственной кизефкснень разрешения. Тундань видемати анокламаса аф макссихть сатомшка лезкс колхозти.

Комсомольский организациять калдыв работанц лангс партийнай организациясь, ВЛКСМ-нь Зубово-Полянский райкомс сатомшка малья аф шарфнихть.

Н. Беляев

Зубово-Полянский район.



СНИМКАСА: Москуса, Горьковский ульцяс «Г» корпусонь эряза кудть проектоц (проектъ автороц архитектурань академикъ А. Г. Мордвиновсь).

Фото клишесъ ТАСС-ть.

Революциять васень шинзон пингста массатне, конатнень сознаниясост нинге 1905 кизостакиге эрясь Советнень колга идеясь, рабочайн и солдатский депутатонь Советт. Но сика пингста жа, мзярда большевикне «вятьсть руководства массатнень тюремаснон мархта ульцява, соглашательский партияне, меньшевикне и эсерхне фатнезь депутатский васттнень Советнень эзга, пуроптомок синь эсост эсь большинстваснон» (ВКП(б)-ть историянц Краткай курсоц, 252 стр.). Тяфта ульсь Петроградса, Москуса и лама лия ошнень эса.

Аф лама шила меле Петроградский советт Исполкомонц меньшевистско-эсеровский лидеронза салава большевикнень эзда договорились буржуазиять мархта Временнай правительствать сформированиянц колга, конач ульсь империалистический эсь составонц и политиканц коряс, а Советсь, аф ваномок большевикнень протестснон лангс, адобрили ня действиянень.

Тяфтане тиевсь кафта властень, кафта диктатурань своеобраз-

най переплетения: буржуазиять диктатурац, в лице Временнай правительствать и пролетариатть и крестьянствать диктатурац в лице рабочей и солдатский депутатонь Советть.

Тиевсь двоевластия. «(ВКП(б)-ть историянц Краткай курсоц, 254 стр.).

Властсь сатсь буржуазияти тяфта тьождыста сяс, мес миллионнай массатне ашезь сотце политикать, а мелкобуржуазнай волнась фатязень сознательнай рабочайхнень. Тяда башка 40 процентшка кадровой рабочей ульсь сывф армияв, войнань кизотнень пингста предприятиянц повсь мобилизациять эзда кяшенди аф кржа мелкай собственник, лавочник, кустархть, конат ашестъ питательнай почвакс меньшевикнень и эсерхнень.

Большевиконь партиять инголе ашесъ оцю значениянь задача. Эрявсь настойчивай эрь шинь разяснительнай работать вельде няфтемс массатнень, што Временнай правительствась—империалистический правительства, што сонъ эздонза аш кода учемс аф

мир, аф кши, аф мода, што меньшевикнень и эсерхнень политикасна ащи массатненьдиваскафнемань и революциять врагонзон мархта соглашательствань политикакс. Событияне эрь шиня подтверждали большевистский линиять правильностенц.

Буржуазнай революциять победонза меле курукста Владимир Ильич Ленин «Письма из далека» эсь трудонзон эса тердезень рабочайхнень анокламс победати революциять сядя товолдонь этапстонза, конач должен максомс властть рабочей класссти.

Апрель ковонь 3 (16)-це шинь вена Ленин сась Петрограду. Рабочайхне, солдатне и матросне оцю радостьа васьфтезь сонь, Ленин эстакиге, вокзальной площадса, броневикть лангста рабочайхнень обратился призывмархта тюремс социалистический революциять победанц инкса. Омбоце шиня Ленин выступил войнать и революциять колга доклад мархта. Нят ульсь Ленинть апрельский знаменитай тезисонза, конатнень единодушна шназень сембе партиясь.

Партиясь тапазень Каменевонь, Зиновьевонь, Рыковонь, Бухаринонь, Пятаковонь и синь сообщникснон лаца гнуснай капитулянтнень, конат тюрсть революциять развитиянц колга ленинский линиять каршес, партиять линиянц каршес буржуазно-демократический революцияста социалистический йотамать колга.

Апрельский тезисне и большевиконь Апрельский конференциять решениянза, конат выдвинули кода революцияти маластонь задача советтнень властть йотаманц, макссть четкай ответ революциянь важнейшай кизефксненьди. Ня решениятнень эса рабочей классъ прдась лама вий и уверенность победати. Партиясь, вооруженнай ня Ленинско-Сталинский установка-тнень мархта, вьтезень массатнень буржуазиять свержениянц инкса тюремати и земной шартъ котокс пяхкссонза Советский властть установлениянц инкса тюремати.

А. Григорьев.

ОСО-нь районнай совещанияста

Аф кунара Ковылкинский районь ОСО-нь советсь йотафтсь совещания, коса ульсь кулх-понтфт ОСО-нь первичнай организациянь руководителхнень отчетсна. Совещанияса кеме ульсь критикась и самокритикась.

Токмовский спиртзаводонь, гос-мельницань и "Красная пресня" совхозонь ОСО-нь первичнай организациянтень руководителхнень отчетсн коряс няевсь, што тсяса

кальдявста ладяф оборонно-массовой работась.

Организациянтень эса кальдявста ладяф обороннай значкисонь анокламаса работась.

Совещаниясь обязал осоавиахимский организациянь руководителхнень, штоба маластонь пингть ладямс трудяйхнень йоткса обороннай работать.

Дм. Поляков.

Ковылкинский район.

ОСО-нь организациясь аф работай

Сире-Пиченгуш велеса ОСО-нь организациять эса сембоц членда лувондовсь 45 ломань. Но тя организацияти тячийнь шити самс апак кочкак руководитель, мезень сюнеда сонь эсонза изь вятев и афи вятеви кодамоков работа. А комсомольский организациясь велеса обороннай организациять

тяфтама состоянианц колга эсь собраниясонза нинге вестенге кизефкс изь путне.

Комсомольский организациясь куроконь пингста должен ОСО-нь организациять шири шарфтомс инь серьезнай мяль.

И. Родькин.

Ельниковский район.

Оборонно-физкультурнай тевсь сязезома лангса

Осоавиахимонь Темниковский районь советсь эсь работавь планонц коряс 1940-це кизонь васенце кварталт пингста районь колхознень эса должен организовадамс ОСО-нь 15 первичнай организация и 242 военно-физкультурнай кружок.

ОСО-нь райсоветть тя инициатива аф кальдяволь, што сон составил работань цебарь план, но однака, пяк кальдяв ся, што йотась ни 1940 кизонь январь, а ОСО-нь райсоветсь и сонь руководителхнэ эсь работань планцон пяхкодема нинге исть кярмотькшне.

Виде, районца улихть военно-физкультурнай кой-мзяра кру-

жокт, но синь работасна мольфтеви эсьотям. Синдейст ОСО-нь райсоветсь аф лезды, инструкташт эзгаст аф йотафни.

ОСО-нь районнай советсь колхознень эса обороннай работань вятемс уполномоченнайкс кемок-снесь Симцов и Булаткин ялгатнень, конат эсь тевсон аф пяхкотькшнесазь. Виде, синь кой-коста колхозненьди якяхть, но колхозникнень йоткса кодамоков оборонно-физкультурнай работа аф вятихть. А ОСО-нь райсоветсь эсь уполномоченнайзон лангс ваны равнодушнайста.

П. В.

Темникова.

Физкультурнай хроника

(Хоккейнай сезонц разгарса)

Январь 22-це шистонза "Учитель" физкультурнай обществат катокса йотафт календарнай васедемат "Динамо" и "Спартак" (Саранск ош) обществатнень авань хоккейнай командаснон йоткса. Васенце вастт заняманц инкса упорнай тюремась аделавсь 1:2 лувксса "Спартак" пользас.

Тяда меле налхкома кармась "Динамо" и "Буревестник" обществатнень командасна, налхкомась

аделавсь 5:6 лувксса "Буревестник" пользас.

Январь 23-це шистонза "Учитель" обществат катокса республикаса первенствать инкса васедесть Саранск и Рузаевка ошень "Спартак" обществатнень юношеский командасна. Васедемась аделавсь 6:0 лувксса Саранск ошень "Спартак" юношеский команданц пользас.

Купер.


Кружокне аф работайхть

Нинге-1939 кизоня Сире-Пиченгуш велеса ульсь организован-дафт ПВХО-нь и физкультурнай кружокт. Нят кружокнень эса лувондови 45 участник, носинь йотксот кодамоков работа аф вятеви. Нинге тячимс физкультурнай

кружокса аш руководитель. Кружокнень работаснон лангс комсомольский организациясь кодамоков мяль аф шарфни.

И. Р.

Ельниковский р-н.



1940 кизоня КИМ-ть лемса московский заводсь планц коря должен нолдамс 5 тьожить малолитражной автомобиль. Од автомобилхь радиаторть эса "КИМ" эмблемат мархта кармай улема обтекаемой формаса, наружа ширде цебарь отделка мархта.

Машинать сталмоц—800 килограмма, (М-1"-ть сталмоц 1350 килограмма, 100 километрнай вастс ардомати эряви аныцек 8 литрат бензин.

СНИМКАСА: Малолитражной автомобильть моделец.

Фото-клишесь ТАСС-ть.



Французский социал-демократне голо-совандасть правительствати военнай кредитонь нолдамать инкса (газетаста).

"Види кядсь пяк цебарьста содасы мезе тиенди кержись".

Фото-клишесь ТАСС-ть.



Колма родонь оружись, конач ащи французский полициять вооружениясь.

Рисункась В. Лисевичть.

(Фото-клишесь ТАСС-ть).

Китайса военнай действиятне

Центральнай Китайса

Цзэцзян провинциять севернай пяльксонза Сяошань районца японский войскактне ушеткшнест наступления, конанц китайцне тапазь. Линбуоть эзда (Сяошанцта 18 километра юг шири) японцнень панемда меле китайский частьтне панихть потай японцнень мельге. Тяни китайцне ашихть пале ки лангса Линбуоть и Сяошанть йоткса.

Шаосинть районца китайский войскактне тага тисть поражения японцненьди.

Хубэй провинциять севернай

пяльксонза японский войскактне йоразь фатямс пандонь районть Тунбошанть. Но, васьфтемок китайцнень ширде вии сопротивление, теист савсь потамс сяка вастозост, коста срхкасть.

Севернай Китайса

Шаньси провинциять юго-восточнай пяльксонза китайский войскактне ароптозь японцнень эзда Гаопанть (крупнай пункт Чжан-центь эзда юг шири 40 километра вастса). Японцне потайхть Чжан-цзыть и Луанть шири.

(ТАСС).

Январь 27-це шистонза.

Английский тылса аф сембе благополучна

Азомок Германиять каршес война, английский империалистне эрыскость кошардомс эсь доминионцон правительстваснон тимемс тянь жа. Англиянь правящий крукне путсть оцю верондама эсь владенияснон обороннай вийснон лангс. Оцю ли тя вийсь? Фактне корхтайхть иля.

Аф кунара лихтевь лангу Канадаса оцю неурядицат. Кода пачфни американский печатсь, январь 25-це шистонза канадский правительствась пяхстазе парламентть сессиянц сонь работанц ушедоманц пингста. Колма частонь пингс заседанияда меле, аф кенеремок ваномс очередной законодательнай предположениянтень, сессиясь ульсь пяхстаф, а парламентсь нолдаф. Мес жа правительствась пачкодсь тяфтама скандальной аськолксти? Лисенди, што сон ульсь эвфтьф сонь эльбиятхсонзон резкай критикаснон мархта "войнань мольфтемань кизефкснень колга". Нльне консервативнай партиянь деятельне осуждали правительствать. Тя партиянь руководителхнень эзда фкясь пренияса корхтаманц пингста азондсь случай, мзярда мобилизованнай дивизиянь солдаттнень ашельхть эривикс одежасна и снаряжениясна.

Аф сяда цебарьста ащи тевсь Южно-Африканский Союзсовок. Январь 23-це шистонза Кептаунца (Южно-Африканский Союзть главнай ошец) парламентонь заседанияса выступил Южно-Африканский Союзонь ингольден премьер-министрь Герцог. Сон азозе, Германиять и германский народть каршес войнась ащи аф илякс, кода преступленийкс, конань тиендсазь международнай

убийчатне и грабительхне". Герцог макссь парламентти резолюция, конач веши Германиять мархта миронь тиемать. Тя резолюциять коряс прениянтень эса резкайста ульсь критиковандаф Южно-Африканский Союзть оборонань состоянианц. Парламентонь членць Покоч азозе, што Южная Африка оборона ащи надежафтома состояниаса. Странась ашезь анокла войнать ушедоманцты аф современной самолетт, аф сатомшка лувкс боеприпас. 150 тьожань солдат, конатнень, кода васькафнесь корхнесь эсь пингстонза оборонань ингольден министрсь, могут выставить Южно-Африканский Союзть, ашихть оружийфтома и обмундированияфтома. Индияса английский господствась, кода тя няеви мекольден событийанть эзда, цяторды сембе стафксонзон эзга. Странаса касонды национально-освободительнай движениясь.

Январь 26-це шистонза сембе Индиява ульсь йотафтф "Аф зависимостень ши". Нинге йотай кизонь декабрь ковста индийский национальней конгрессть исполкомонь бюроц лихтсь решения йотафтомс январь 26-це шистонза "Аф зависимостень ши": "Индийский народть ули правац свободати", "Индиясь должен сяземс эсь сотксонзон Англиять йоткса" лозунг мархта. Конгрессть мархта организованнай демонстрациятне ульсь Индиять сембе оцю ошезон эзга. Бомбеяса ашесть работа 50 предприятия, конатнень рабочайсна шоворсть демонстрацияти.

Ответ, редакторть инкса Дм. РОДИН.